



Teitl y Swydd:	Gwyliwr Nos
Math o gontract:	Swydd barhaol, rhan-amser (16 awr yr wythnos)
Graddfa:	Graddfa 1: £16,380 (Pwynt 6) <i>pro-rata</i>
Lleoliad:	Gwersyll yr Urdd, Llangrannog

Amdanom ni

Mae'r Urdd yn fudiad sy'n parhau i dyfu ac arloesi, ac yn un o'r cyflogwyr mwyaf sy'n gweithredu trwy'r Gymraeg. Fe sefydlwyd yn 1922, ac erbyn heddiw cyflogir dros 300 o staff, bron 55,000 o aelodau, 10,000 o wirfoddolwyr a throsiant o £10m. Byddwn yn dathlu ein pen-blwydd yn 100 yn 2022 gan weithio gydag ein haelodau a'n gwirfoddolwyr ynghyd ac amryw o bartneriaid sy'n cynnwys Llywodraeth Cymru, S4C, BBC, Undeb Rygbi Cymru, Cymdeithas Pêl-droed Cymru, Canolfan Mileniwm Cymru, Chwaraeon Cymru, Ysgolion a Cholegau Cymru.

Y Swydd

Mae Gwersyll yr Urdd, Llangrannog ar agor trwy'r flwyddyn, ac yn croesawu dros 25,000 o ymwelwyr yn flynyddol, a chyflogir dros 120 o staff.

Mae'r Gwersyll yn edrych am unigolyn a fyddai'n gallu gweithio rhan amser 2 noson yr wythnos fel rhan o rota tîm gwylwyr nos y safle.

Am sgwrs anffurfiol ac am fanylion pellach cysylltwch â Gwydion ab Ifan ar 01239 652140 neu Llangrannog@urdd.org

Anfonwch Ffurflen Gais yr Urdd ar e-bost at swyddi@urdd.org

Dyddiad Cau – 12:00 25 Medi 2019
Dyddiad Cyfweld – l'w gadarnhau

DISGRIFIAD SWYDD			
Teitl y swydd:	Gwylwr Nos	Lleoliad:	Llangrannog
Adran:	Gwasanaethau Canolog	Rheolaeth Llinell:	Dim
Yn adrodd i :	Rheolwr Cyrsiau a thrwyddo ef Cyfarwyddwr y Gwersyll	Graddfa:	Graddfa 1, pwynt 6 £16,380 y flwyddyn, pro-rata

Prif bwrpas y swydd:

- Sicrhau diogelwch plant ag athrawon yn ystod y nos.
- Sicrhau diogelwch yr adeiladau yn ystod y nos.
- Bod ar gael i gynorthwyo athrawon/arweinyddion gyda'r plant yn ystod y nosy n ol y galw.
- Cysylltu ag athrawon/arweinyddion pan fo'r angen.
- Tacluso'r adeiladau, hel sbwriel a gwaith cyffredinol o gwmpas y Gwersyll fel a phryd y bo angen.

Prif ddyletswyddau a chyfrifoldebau:

- Patrolio'r gwersyll.
- Cydlynu rhwng arweinyddion y plant a rheolwyr y gwersyll.
- Ysgrifennu nodiadau am unrhyw ddigwyddiadau.
- Diffodd goleuadau, peiriannau stocio a.y.y.b.

Cyffredinol

- Ymgymryd â dyletswyddau priodol eraill sy'n cyfrannu at rediad esmwyth y Gwersyll

Nodiadau i ymgeiswyr:

- *I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.*
- *Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.*

Newidiadau i'r Disgrifiad Swydd:

Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd:

Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd eu dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a

gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad:

Cyhoeddwyd y disgrifiad swydd yma ym mis Mawrth 2017 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.

CRYNODEB O'R TELERAU AC AMODAU (ceir manylion lawn yn Llawlyfr Staff)

Teitl y swydd:	Gwyliwr Nos
Yn atebol i:	Rheolwr Cyrsiau a thrwyddo ef Cyfarwyddwr y Gwersyll
Cyflog:	Ar raddfa 1 Strwythur Cyflog yr Urdd £16,380 (Pwynt 6)
Cytundeb:	Parhaol, 16 awr yr wythnos, oriau: 10.00y.h – 7.00y.b.
Oriau gwaith:	Wythnos waith sylfaenol yw 35 awr yr wythnos. Gweithredir cynllun oriau hyblyg.
Lleoliad:	Gwersyll yr Urdd, Llangrannog
Gwyliau blynyddol:	Caniateir 25 niwrnod o wyliau blynyddol ac wyth niwrnod o wyliau cyhoeddus - y cyfnodau i'w pennu mewn ymgynghoriad â'r Prif Weithredwr. Bydd y gwyliau'n cynyddu i 28 diwrnod ar ôl 5 mlynedd o wasanaeth ac yna i 33 diwrnod ar ôl 10 mlynedd o wasanaeth.
Cyfnod prawf:	Bydd cyfnod prawf o 6 mis
Pensiwn:	Bydd cyfle i ymuno â chynllun pensiwn yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.
Gwiriad GDG:	Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (GDG)
Archwiliad meddygol:	Cedwir yr hawl i ofyn i'r sawl a benodir mynd o dan archwiliad meddygol cyn cynnig y swydd yn ffurfiol.
Yswiriant Bywyd:	Yn dilyn cwblhau 6 mis yn y swydd byddwch yn ymuno a chynllun yswiriant bywyd yr Urdd sydd yn cynnig yswiriant cywerth a 3 gwaith eich cyflog blynyddol trwy gydol eich cyflogaeth gyda'r Urdd hyd at oed 70.